REGLEMENS ET STATUTS

Des Maistres Passementiers, Tissotiers & Rubantiers de la ville de Lyon, par eux proposez à Messieurs les Prevost des Marchands & Eschevins de ladite Ville, pour estre observez & executez à l'avenir de point en point selon leur forme & teneur, sous le bon plaisir de Sa Majesté.



ALTON,

Chez ANTOINE JULLIERON, seul Imprimeut & Libraire ordinaire du Roy, du Clergé & de la Ville, en la place de Confort.

M. DC. LXXXII.



R E G L E MENS ET STATUTS

Des Maistres Passementiers, Tissotiers & Rubantiers de la ville
de Lyon, par eux proposez à
Messieurs les Prevost des Marchands & Eschevins de ladite
Ville, pour estre observez &
executez à l'avenir de point en
point selon leur forme & teneur,
sous la temp plaisir de Sa Maiest &

ES Maistres dudit Art de Passementier, Tissorier & Rubantier, travaillans & faisant travailler, se trouveront à la Chapelle pour assister à l'Office divin, les jours & Festes de l'Assomption & Nativité de Nôtre-Dame, Patronne de leur Communauté, dans l'Eglise des RR. PP.

Cordeliers de Saint Bonaventure, à dix heures du matin; & pareillement assisteront à la Messe pour les Maistres defunts, laquelle à ce sujet se celebrera annuellement le Lundy apres la Procession de S. Roch; Comm' aussi les Maistres Courriers dudit Art feront celebrer une Messe de mort aussitost apres le deceds d'un des Maistres dudit Art, quand ils en seront avertis, entre huit & neuf heures du matin, dans la mesme Chapelle; & seront tenus tous les Maistres dudit Art de payer annuellement & pendant l'ouverture du Livre de leur Confrerie dix sols chacun, dont les Courriers d'icelle seront obligez de rendre compte aux Maistres-Gardes estans en charge, assistez de cinq ou six anciens au moins; & en leur presence remettront le fonds qui restera en leurs mains en celles des Courriers leurs successeurs.

I I.

Et pour proceder à l'élection des six Maistres-Gardes qui auront la direction des affaires de la Communauté dudit Art, ladite Communauté s'as-semblera tous les ans environ quinze jours avant la saint Thomas, sur la convocation qui en sera faite par les Gardes estans en charge, suivant la permission qui leur sera donnée par Messieurs les Prevost des Marchands & Eschevins; & dans ladite Assemblée sera fait choix, par la pluralité des voix de ceux qui la composeront, d'un des trois Maistres-Gardes qui devront entrer en charge, & de six autres Maistres dont la liste sera portée & presentée ausdits Sieurs Prevost des Marchands & Eschevins, pour estre choisis sur icelle deux autres Maistres-Gardes pour exercer ladite charge, avec celuy qui

aura esté éleu par la Communauté, & avec les trois anciens restans en charge; lesquels Maistres-Gardes auront ladite direction apres avoir presté le serment accoustumé entre les mains dudit Sieur Prevost des Marchands, en sorte qu'il y en aura tousjours trois anciens avec trois nouveaux, & qu'ils demeureront deux années dans ladite charge; Et pour commencer d'establir cet ordre, les trois derniers Maistres-Gardes qui exercent presentement ladite charge y demeureront encor une année avec les trois nouveaux qui seront nommez ainsi qu'il a esté dit, & les trois qui sortiront de charge serviront à la Chambre en qualité d'Adjoints.

III.

Scront lesdits Maistres-Gardes tenus pendant leurdit exercice de faire du moins trois Visites par châque année, dans les Chambres & Bouriques des Maistres dudit Art de cette Ville & Fauxbourgs d'icelle; lesquels Maistres seront obligez'de leur en faire ouverture, & en cas de resus les refractaires assignez pardevant les dits Sieurs Prevost des Marchands & Eschevins pour se voir condamner en l'amende de cinquante livres; & sur les Procés verbaux des Maistres-Gardes, assistez & certifiez à la manière ordinaire, les contraventions par eux reconnues aux presens Reglemens seront jugées par les dits Sieurs Prevost des Marchands & Eschevins sommairement & gratuitement, conformément aux Edits & Reglemens de Sa Majesté.

I V.

Seront aussi ceux qui ne se trouveront dans les Assemblées convoquées comme il a esté dit, sans aucune cause legitime, condamnez à l'amende de trois livres.

A 4

Seront pareillement nommez deux Courriers pour prendre soin de la Chapelle & Service divin, & pour retirer les deniers que chacun desdits Maistres y devra contribuer, & sera ladite Nomination faite par les Maistres-Gardes estans en charge, assistez de six anciens Maistres dans l'octave de la Feste saint Bonnaventure, & ce sur la proposition de deux Courriers sortans de charge.

VI.

Lesdits Maistres Passementiers, Tissotiers & Rubantiers ne pourront faire ny tenir aucun Aprentis ou Aprentisse qui ne soit de la Religion Catholique Apostolique Romaine; sera l'Acte d'Aprentissage passé pardevant Notaire & témoins, & leterme d'iceluy ne pourra estre moindre de quatrannées consecutives; & avant que de passer ledi Acte le Maistre sera tenu d'appeller un desdits Maistres-Gardes pour sestre present audit Acte, qui n sera valable si l'Aprentis ou Aprentisse se trouven mariez & d'un âge au dessous de douze ans, les Maistres contrevenans, & de nullité des Aprentissages.

VII.

Que les Maistres pere & fils, vivans en maiso commune & en mesme ménage, ne pourront ten qu'un Aprentif ou Aprentisse, comme n'estant cent occuper qu'une Boutique, sinon lors qu'ils seros separez d'habitation & mesnage; ce qui sera aut interdit aux autres Maistres associez dans une me me Boutique, le tout à peine de cinquante livre d'amende.

9 VIII.

Nul Maistre ne pourra aussi tenir plus d'un Aprentif ou d'une Aprentisse à la fois, neantmoins lors qu'ils approcheront de six mois la fin de leur terme, il en pourra prendre un autre qu'il gardera seulement un mois sans l'obliger, pendant lequel il en advertira les Maistres-Gardes pour en avoir la permission, & paiera l'Aprentif ou Aprentisse pour son entrée en l'Aprentissage quarante sols, sçavoir vingt sols pour la Chapelle, & vingt sols aux Maistres-Gardes; laquelle somme sera paiée par le Maistre, sauf son recours contre l'Aprentif ou Aprentisse, & sera tenu ledit Maistre de remettre és mains desdits Maistres-Gardes l'expedition dudit Aprentissage huit jours apres iccluy passé, pour estre enregistré dans leur Livre tenu dans leur Chambre à cet effet, laquelle expedition avec l'enregistrement sera renduë audit Maistre gratuitement & sans frais, bien entendu que nul Maistre ne pourra obliger un Aprentif ou Aprentisse s'il n'a des mestiers travaillans chez luy, à l'exception des Maistres qui sont sabriquer & qui n'ont point de Boutique: Ne pourra aussi aucun Maistre avoir une Aprentisse s'il n'est marié, le tout à peine de trente livres d'amende contre ledit Maistre qui aura receu ledit Aprentif ou Aprentisse au prejudice du present Article, & de nullité de l'Aprentissage.

IX.

Défenses sont faites à tous les Maistres dudit Art de Passementier, Tissotier & Rubantier de retirer ny faire travailler dans leurs maisons & ailleurs aucuns Forains se disans estre dudit Art & Mestier de Tissotier, qu'auparavant ils n'aient fait aparoit de

leur Acte d'Aprentissage & de la Quittance des Maistres où ils l'auront fait & ce aux Maistres-Gardes qui seront en charge, lesquels Certificats, Obligations, & Quittance d'Aprentissage seront reçeus & signez par Notaires, deuëment l'égalisez où besoin sera & en bonne forme, à peine de nullité, & de l'amende de trente liures contre les Maistres qui les recevront autrement.

X.

Les Filles qui auront fait Aprentissage dudit Mestier dans la ville de Lyon ou Fauxbourgs d'icelle venant à se marier avec une personne qui ne 1era dudit Art & Mestier ne pourront faire aucun Aprentif ny Aprentisse, ny tenir Compagnons ny Compagnonnes à peine de nullité du Contract d'Aprentissage & de l'amende de vingt livres; ne pourront aussi monstrer ny enseigner ledit Art & Mestier à leurs maris (lesquels pour l'amour d'elles & de cet enseignement viendroient à delaisser leur premier Mestier) ny à leurs enfans, parens & alliez, seulement pourront lesdites Filles travailler dans leurs maisons de leurdit Mestier seules; & au cas qu'elles viennent à changer de demeure, seront tenuës d'en avertir lesdits Maistres-Gardes afin qu'ils puissent faire leur Visite dans leur nouveau domicile à la maniere acoustumée, & en cas de contravention seront décheuës de leur privilege; pareillement les Filles des Maistres venant à se marier à des personnes qui ne seront dudit Art & Mestier seront tenuës de suivre & d'executer le present Article aux mesmes peines que dessus.

XI.

Et à l'égard des Aprentisses elles pourront, apres

avoir fini leur Aprentissage, se faire enregistrer sur le Livre de la Communauté en payant la somme de trois livres avant que de commencer leur franchise, & travailleront aussi quatre années chez tel Maistre que bon leur temblera en qualité de Compagnonnes pendant quatre autres années, lesquelles estant achevées & l'enregistrement fait dans le Livre de la Communauté, apres avoir préalablement payé la somme de six livres, sçavoir deux livres pour la Chapelle, & quatre livres ausdits Maistres-Gardes, elles pourront lever Boutique & tenir un Mestier teulement, sans en pouvoir tenir d'autre, à peine d'estre privées de leur privilege; ne pourront aussi s'associer avec d'autres Filles pour demeurer ensemble à peine de dix livres d'amende, à l'exception toutefois des Filles de Maistres d'une mesme famille delaissées de leurs peres & meres qui pourront loger ensemble & s'aider les unes & les autres, sans qu'il leur soit permis neantmoins d'avoir d'autres Mestiers que les leurs.

XII.

Les Fils de Maistres de cette Ville & Fauxbourgs d'icelle en levant Boutique & dressant un Mestier payeront la somme de trois livres seulement, sçavoir vingt sols pour le service de la Chapelle, & quarante sols pour les frais & besoins de la Communauté; ne pourront neantmoins estre admis à lever ladite Boutique & Mestier qu'ils n'aient atteint l'âge de vingt ans, & apporteront aux Maistres-Gardes les Actes baptistaires pour justisser ledit âge, à peine contre les contrevenans de cinquante livres d'amende.

Nuls Compagnons, ny Fils & Filles de Maistres forains ne pourront estre receus à travailler en cette Ville qu'ils n'aient auparavant justifié de leurs Aprentissages par des Quittances & Certificats én bonne forme, ainsi qu'est porté par l'Article huitième; comm'aussi de leurs Actes baptistaires qui establissent qu'ils vienent des Villes de ce Royaume où il y a Reglemens & Maistrise: Pour ceux qui n'auront aucun Acte susdit travailleront seulement trois mois par la permission des Maistres Gardes, & leur paieront seize sols pour ladite tolerance; & à l'égard desdits Compagnons forains aspirans à la Maistrise, ils paieront la somme de trois livres lors de l'enregistrement, avant que de pouvoir commencer leur franchise en cette Ville, pour laquelle aquerir ils seront tenus de travailler actuellement & sans discontinuation pendant quatre années, & à leurs pieces, chez tel Maistre de ladite Ville que bon leur semblera, apres lequel temps fini ils pourront estre receus à ladite Maistrise & se faire enregistrer sur le Livre de la Communauté, en payant préalablement la somme de soixante livres, sçavoir vingt livres pour la Chapelle, & quarante livres aux Maistres-Gardes pour les frais de la Communauté; & où lesdits Aspirans dresseroient aucuns Mestiers sans avoir satisfait à ce que dessus, sera permis ausdits Maistres-Gardes de les faire mettre bas, & les contrevenans condamnez à l'amende de trente livres.

XIV.

Sera permis aux Veuves desdits Maistres dudit Art de faire parachever le terme & temps de leurs Aprentifs ou Aprentisses apres le decés de leurs manis sans en pouvoir prendre d'autres, comm'aussi pourront faire travailler en leurs Maisons ou Boutiques par un ou plusieurs Compagnons si bon leur semble, & pendant leur viduité pourront lesdites Veuves enseigner à leurs Enfans ledit Mestier, & icelles venant à se remarier avec un homme d'autre Mestier, ne leur sera permis d'avoir qu'un Mestier pour elles seulement, ny faire travailler hors de leur Maison, ny tenir aucun Compagnon ny Compagnonne, ny moins apprendre leurdit Art à leurs maris & enfans qu'elles pourroient avoir de leur second mariage, conformement à ce qui est réglé pour les Filles dans l'Article dixiéme; neantmoins si lesdites Veuves vienent à se remarier avec un Compagnon dudit Art ledit Compagnon par le moyen dudit mariage aquerra sa franchise au cas qu'il ne l'eust auparavant aquise, sans estre tenu de rien paier s'il est de la Ville, & paiera six livres seulement s'il est forain, & aquerra pareillement le mesme privilege en épousant une Fille de Maistre.

XV.

Nul Compagnon ou Compagnonne, ny Fils ny Files de Maistre travaillans pour Compagnons dudit Art ne pourra quitter le Maistre qui l'emploiera sans en avoir le congé par écrit, & au cas que ledit Maistre ne sçache écrire, ne pourra ledit congé estre valable, le Maistre le déniant, s'il n'est certisié par deux des Maistres-Gardes; lequel Congé neantmoins ne pourra estre resusé lorsque le Compagnon aura achevé la piece commencée sur le Mestier, & qu'il aura d'ailleurs satisfait ses dit Maistre de ce qu'il luy pourroit devoir en argent

ou autrement, soit en le paiant actuellement ou catrouvant un autre Maistre qui satisfasse celuy qu'il quittera: Et pareillement nul Maistre ne pourra occuper lesdits Compagnons & Compagnonnes sans retirer ledit Congé par écrit, ou le Certificat desdits Maistres-Gardes; & à faute de ce le Maistre que ledit Compagnon ou Compagnonne aura quitté, déniant par serment ledit Congé, le Maistre qui les aura occupé sera tenu d'aquitter ce qu'ils devront, & en outre condemnez pour la contravention à trente livres d'amende.

XVI.

Nuls Maistres dudit Mestier ne pourront donner, vendre, ny remettre le temps de l'Aprentissage, ou partie d'iceluy à leurs Aprentifs ou Aprentisses, mais seront tenus le faire parachever jusques au dernier jour, à moins que lesdits Aprentifs ou Aprentisses ne veuillent quitter ledit Art, sans qu'ils puissent achever ledit temps avec d'autres Maistres qu'avec ceux chez lesquels ils auront esté obligez: si 'ce n'est avec cause legitime notifiée ausdits Maistres-Gardes. Pareillement ne pourront lesdits Maistres emploier leurs Aprentiss ou Aprentisses qu'aux œuvres dependantes dudit Art & Mestier, & à leur service ordinaire & licite, ny lesdits Aprentifs & Aprentisses travailler ny vivre ailleurs que chez leursdits Maistres, ny coucher hors de leur Maison, ains demeureront actuellement sans discontinuation pendant tout le temps de leur Aprentissage, à peine de nullité d'iceluy, & contre lesdits Maistres qui feront ou authoriseront la contravention, de cinquante livres d'amende.

XVII.

Les Maistres dudit Art ne pourront envoier leurs prentifs ou Aprentisses sans cause legitime, & au as qu'un d'iceux Aprentifs ou Aprentisses viennent se retirer & absenter le service de sondit Maistre ussi sause legitime, ledit Maistre pourra oblier ledit Aprentif ou Aprentisse de retourner pour arachever son temps, si mieux n'aiment lesdits sprentifs ou Aprentisses declarer qu'ils quittent ntierement ladite Profession, & à la charge par in prealable des dommages & interests dudit Maisre, qui luy seront paiez par les Parens ou Cautions l'iceluy, ladite absence leur aiant esté denoncée par 1ête dés le commencement d'icelle, & le present Article à eux leu lorsque l'Acte d'Aprentissage serasassé: Comm'aussi sera permis audit Maistre apres me absence de deux mois de faire raier ledit Aprenif ou Aprentisse; & où ledit Maistre seroit negligent de le faire, lesdits Maistres-Gardes seront teius de le raier dudit Livre; & au cas que quelque Maistre dudit Art se trouve avoir debauché, soutrait ou suborné aucun Aprentif ou Aprentisse, & leur avoir donné de la besogne, ledit Maistre era condamné à l'amende de cinquante livres.

XVIII.

Si quelques Maistres dudit Art viennent à abenter la Ville ou Fauxbourgs d'icelle, sera permis i leurs semmes de faire parachever le temps de leurs Aprentifs ou Aprentisses & de les tenir en leurs maisons; & au cas qu'elles ne soient en pouvoir & commodité de les garder, les dits Maistres-Gardes seront tenus de placer les dits Aprentifs ou Aprenisses chez d'autres Maistres dudit Art, pourveu qu'iceux n'aient d'autres Aprentifs ou Aprentisses, ou qu'ils soient à six mois pres de leur Aprentissage, conformement à l'un des Articles precedens; pour-ront neantmoins les Veuves desdits Maistres remettre leurs Aprentiss ou Aprentisses, du consentement des Maistres-Gardes, chez tel autre Maistre que bon leur semblera, en paiant pour la Chapelle la somme de trois livres.

XIX.

Pour obvier à plusieurs grands inconveniens qui n'arrivent que trop souvent; sera tres expressement désendu à tous Maistres dudit Art de faire travailler leurs serviteurs & servantes, ny autres, qu'ils n'aient fair leur Aprentissage dudit Mestier, à peine de trente livres d'amende.

XX.

Seront tenus les Maistres-Gardes qui seront en charge de faire recherche de ceux dudit Art qui seront atteints & convaincus de larcin, soit dans cette Ville ou Fauxbourgs d'icelle, pour ensuite estre iceux poursuivis en Justice aux dépens de la Communauté, & chassez de ladite Ville & Fauxbourgs, avec desences à tous Maistres dudit Art de les faire travailler chez eux à peine de trente livres d'amende.

$\mathbf{X} \mathbf{X} \mathbf{I}$.

Défenses sont faites à toutes sortes de personnes de quelque qualité qu'elles soient d'apporter aucun ouvrage de l'Arr de Passementier dans les Logis & Cabarets, ny mesme border les ruës attendant les Marchands à la sortie de leur Logis pour leur presenter leurs marchandises, ce que l'on voit journellement au grand prejudice dudit Art, à peine de

de confication desdites marchandises, & de cent cinquante livres d'amende contre les contrevenans.

XXII.

Défenses sont aussi faires à tous Maistres dudit Art de cette ville de Lyon ou Fauxbourgs d'icelle, de faire ou faire fabriquer aucuns Passemens & Gallons, ny ouvrages faits à la petite Navette en quelle sorte que ce soit où il y ait du silet, laine ou coton messé avec de la soye, ny silet guippé de soye, à moins que ledit Passement ne soit dantellé ou à jour, à peine de consiscation desdites marchandises, & de cinquante livres d'amende; sont neantmoins exceptez les Rubans de sleurer & Padoux qui se trouveront tramez de soye crue, comme neiges & gazes, & petite Nompareille à plain ou à tassetas.

XXIII.

Semblables défenses sont faites à tous les Maistres dudit Art de faire aucuns Passemens & Clinquans d'or & argent sin où il y aye aucun mélange d'or ou argent faux trait ou silé, ny soye crue, à peine de consissation desdites marchandises, & de cent livres d'amende.

XXIV.

Défenses sont faites à tous les Maistres dudit Art de donner aucun travail dependant de l'Art de la petite Navette à autre qu'aux seuls Maistres de la ville de Lyon & Fauxbourgs d'icelle. Pareilles désenses sont faites à tous les Maistres, fils de Maistres, Compagnons, semmes & filles, & à tous Ouvriers travaillans de la petite Navette de travailler, faire travailler, ny prendre besogne à faire des gens d'autre Art & Mestier quels qu'ils soient, ny d'autres personnes que des Maistres dudit Art, lesquels auront fait leur Aprentissage, ou seront sils de Maistres, ou des Veuves des dits Maistres, tant & si longuement qu'elles demeureront en viduité; & nul autre ne pourra travailler dans ladite Ville & Fauxbourgs d'icelle, ny tenir Ordissoir ny Calandre, ny autre chose qui puisse servir dans ledit Art, qui ne soit incorporé & receu par les Maistres-Gardes, à peine de confiscation, & de cinquante livres d'amende.

XXV.

Nul Ouvrier travaillant à façon ne pourra prendre plus de besogne à travailler, que ce qu'il pourra faire & ouvrer chez luy, à peine de trente livres d'amende; & au cas qu'un Ouvrier cût receu du Maistre par avance la façon de son ouvrage, ledit Ouvrier sera obligé de le rendre fait & parfait audit Maistre dans le temps jugé necessaire par les Maistres-Gardes pour faire ledit ouvrage, à peine de trois livres d'amende.

$X \times V I$.

Si quelqu'un dudit Art découvre & dénonce aux Maistres-Gardes une contravention aux presens Reglemens, le quart de la moitié de l'amende paiable ausdits Maistres-Gardes luy sera par eux paiée.

XXVII.

Défenses sont faites à tous Maistres ouvriers dudit Art d'avouër aucunes personnes que ce soit ny de prester leur nom à ceux qui n'auront aquilleur franchise dans ledit Art, ou à autres, pour les faire travailler comme s'ils tenoient & occupoient?

leurs propres Boutiques & Mestiers, à peine de soixante livres d'amende paiable solidairement par l'Avoueur & l'Avoué.

XXVIII.

Nul ne pourra estre admis à la Maistrise dudit Art qu'aux conditions portées par les Articles des presens Reglemens concernans ladite Maistrise, & non en vertu de Lettres de Maistrise surprises au Sceau au prejudice des Edits, Reglemens & Arrests qui ont exclus de ladite Ville les pourvus de semblables Lettres, aux sins de bannir pour tousjours l'ignorance & la venalité des Arts dans ladite Ville.

XXIX.

Défenses sont saites à tous Maistres dudit Art de Passementier de cette Ville & Fauxbourgs d'icelle, & autres, de faire fabriquer aucuns Crespes tant sigurez que non sigurez, de quelle sorte & qualité qu'ils puissent estre, estant au dessous du tempia par aucun Serviteur & Servante, ny par autre que par ceux qui seront dudit Art de Passementier, attendu que ces Serviteurs & Servantes pourroient s'ingerer de mesme de travailler aux autres ouvrages de Passementier; & seront les contrevenans condamnez à l'amende de trente livres comme est dit à l'Article dix-neus.

$X \times X$.

Sera faite une Assemblée à la Chambre, tous les mois seulement, des six Maistres-Gardes, avec six anciens par eux choisis; au nombre desquels seront les trois derniers Maistres-Gardes sortis de charge, pour proceder à la reception de ceux qui seront en estat & auront satisfait aux trois livres

pour la sortie d'Aprentissage, & aux charges & conditions necessaires pour estre receus Maistres, ausquels lesdits Maistres-Gardes seront tenus, comme il a esté dit, de donner un Livre des presens Reglemens, signé au moins par deux desdits Maistres-Gardes, & l'Acte de reception sera signé dans le Registre par tous ceux desdits Maistres-Gardes & Anciens qui se trouveront presens; & paieront ceux qui auront fait leur Aprentissage dans ladite Ville & Fauxbourgs d'icelle, & qui apres ce auront aquis leur Franchise en tel lieu que bon leur aura semblé, pour leur reception à ladite Maistrise, la somme de quinze livres pour une fois sculement lors de ladite reception; sçavoir cinq livres pour la Chapelle, & dix livres pour les frais de la Communauté.

XXXI.

Seront les Amendes adjugées pour les contraventions aux presens Reglemens applicables, sçavoir la moitié aux Pauvres de la Profession, & l'autre moitié aux Maistres-Gardes, pour fournir aux frais & besoins de la Communauté, lesquels en donneront le quart au Denonciateur quand il y en aura un.

Signé, E. Desgrange Garde, Jacques Sornin Garde, P. Delaroue Garde & Courrier, Gabriel Vanelle Garde & Courrier, Pierre Perrot Garde, Claude Bony Garde, Jean Gonin Adjoint, Jacques Bruyere Adjoint, Antoine Gabriel Adjoint, C. Gette, J. Villet, Escot, Fleury Chomat, C. Houdry, G. Verne, A. Verne, Fr. Gerin dit Roze, Jean du Coin, Jean Rimo, Jean Jude dit la Jeunesse, Machaber Laforce, Jean Buer, Jean Bachelier

Xhle Pittiot, Estienne Freyiere, Thomas Pemire, Bobrun, A. Tutel, Jean Ferran, C. Pain, Claude Moran, G. Gilliarin, J. Guiset, P. Gerin, A. Gilliet, J. Faure, Pierre Randon, André Noël, Claude Larandon, Louis Devallé, Antoine Mallet, Claude Mallet, Bonnaventure Girin, Henry Delarouë, André Souly, Barthelemy Durand, Jean François Ricard, A. Poncet, Barthelemy Chapelan, Jacques Giniard, Antoine Sornin, Jean Dusours, P. Gay, Claude Punet, Federic Milan, Antoine Pros, Pictiot, E. Jullien, Jean Bonnard, François Siber, P. Bonnard, Claude Jameton, Jean Boachon, Lafaye, David Faverge, N. Bonnard, Hierôme Guy.

L ville de Lyon aians veu les Reglemens & Statuts propolez par les Maistres Passementiers, Tissotiers & Rubantiers de ladite Ville en trente-un Articles, & iceux murement examinez, apres avoir oui le Sieur Demoulceau ancien Prevost des Marchands Procureur general de ladite Ville & Communauté, les avons approuvez, resolus & arrestez, sous le bon plaisir de Sa Majesté, pour estre cy-apres observez suivant leur forme & teneur sous les peines y indittes; supplians tres humblement Sa Majesté & Nosseigneurs de son Conseil d'en vouloir ordonner l'homologation si elle est requise & jugée necessaire: En témoin dequoy Nous Claude Trollier, François Beneon Baron de Riverie, Seigneur de Chastellus & autres Places, François Huvet Conseiller du Roy, Eleu en l'Electionde Lyonnois, & François Salladin Seigneur du Frayne, Prevost des Marchands & Eschevins sussitions fait expedier ces presentes, icelles signées, fait contresigner par le Secretaire, & sceller des armes de ladite Ville & Communauté, le vingt-sixième Fevrier mil six cens quatre-vingt-deux. Signé, Trollier, Beneon, Huvet, Salladin.

Par le Consulat, DEGLAREINS.

La public à haute & intelligible voix, son de Trompe & cry public, dans les lieux, carrefours & endroits accoûtumez à faire telles & semblables proclamations, à ce qu'aucun n'en puisse ignorer, par moy lean-Baptiste Bertholon seul suré Crieur public pour le Roy en la Senechausse & Siege Presidial de Lyon, & autres Cours & sustices qui s'exercent dans ladite Ville & Fauxbourgs, y demeurant ruë & Paroisse S. George sous-signé, assisté de Maistre Henry Monnet Trompette ordinaire de ladite Ville aussi sous-signé, le seizième Mars mil six cens quatre-vingt-deux.

Signé BERTHOLON & MONNET.



Articles qui avoient esté obmis d'incerer ausdits Reglemens, & qui regardent les douze, quinze, vingt-quatre, & trentiémes Articles d'iceux.

Extrait du Registre des Iugemens & Ordonces de la Iurisdiction Consulaire, de Police des Arts & Mestiers de la Ville de Lyon.

Consulat par les Maistres - Gardes Passementiers & Rubantiers de cette Ville, que dans les nouveaux Reglemens dudit Art qui furent presentez au Consulat l'année derniere, & qui ont esté par luy approuvez, l'on a obmis d'incerer des choses tres importantes dans les douze, quinze, vingt-quatre, & trentièmes Articles desdits Reglemens; ce qui les avoit obligez de reformer ces quatre Articles, lesquels ils supplicient treshumblement le Consulat de vouloir approuver & consentir qu'ils soient ajoûtez ausdits Regle-

mens de la maniere qu'ils ont esté resormez,

& qu'ils s'ensuivent.

ARTICLE XII.

Les Fils de Maistres de cette Ville & Faux-bourgs d'icelle en levant Boutique, & dressant un Mestier payeront la somme de trois livres seulement, sçavoir vingt sols pour le service de la Chapelle, & quarante sols pour les frais & besoins de la Communauté; ne pourront neantmoins estre admis à lever ladite Boutique & Mestier qu'ils n'ayent atteint l'âge de vingt ans, ou qu'ils ne soient mariez, & au cas de deceds de leurs peres & meres qu'ils n'ayent atteint l'âge de quinze ans, & apporteront aux Maistres - Gardes les actes Baptistaires pour justifier ledit âge, à peine contre les contrevenans de cinquante livres d'amende.

ARTICLE X V.

Nuls Compagnons ou Compagnonnes, ny Fils ny Filles de Maistres travaillans pour Compagnons dudit Art, ne pourront quitter le Mai-Are qui les employera sans en avoir le congé par écrit, & au cas que ledit Maistre ne sçache écrire, ne pourra ledit congé estre valable, le Maistre le déniant, s'il n'est certifié par deux des Maistres - Gardes, lequel congé neantmoins ne pourra estre refusé lorsque le Compagnon aura achevé la piece commencée sur le Mestier, & qu'il aura attendu huit jours apres avoir demandé ledit congé, & que ladite piece sera achevée; Sera encore tenu ledit Compagnon avant que de pouvoir quitter son Maistre de le satisfaire de tout ce qui luy pourroit devoir en argent ou autrement, soit en le payant actuellement ou en trouvant un autre Maistre qui satisfasse celuy qu'il quittera: Et pareillement nul Maistre ne pourra occuper les dits Compagnons & Compagnonnes sans rerirer ledit congé par écrit, ou le certificat desdits Maistres-Gardes, & à faute de ce le Maistre que ledit Compagnon ou Compagnonne aura quitté, déniant par serment ledit congé, le Maistre qui les aura occupez, sera tenu d'aquiter ce qu'ils devront, & en outre condamnés pour la contravention à trente livres d'amende.

ARTICLE XXIV.

Défenses sont faites à tous les Maistres dudit Art de donner aucun travail dependant de l'Art de la petite Navette à autre qu'aux seuls Maistres de la ville de Lyon & Fauxbourgs d'icelle: Pareilles défenses sont faites à tous les Maistres, Fils de Maistres, Compagnons, femmes & filles, & & tous Ouvriers travaillans de la petite Navette de travailler, faire travailler, ny prendre besogne à faire des gens d'autre Att & Mestier quels qu'ils loient, ny d'autres personnes que des Maistres dudit Art, lesquels auront fait leurs Aprentissages, ou seront Fils de Maistres, ou des Veuves desdits Maistres, tant & si longuement qu'elles demeureront en viduité; & nul autre ne pourra travailler ny faire travailler dans ladite Ville & Fauxbourgs d'icelle, ny renir Ordissoir, Calandre, & autre chose qui puisse servir dans ledit Art, qu'il ne soit incorporé & teceu par les Maistres-Gardes, à peine de confiscation & de cinquante livres d'amende.


ARTICLE XXX.

Sera fait une Assemblée à la Chambre tous les mois seulement des six Maistres-Gardes, avec six Anciens, par eux choisis; au nombre desquels

seront les trois derniers Maistres - Gardes sortis de charge, pour proceder à la reception de ceux qui seront en estat & auront satisfait aux trois livres pour la sortie d'Aprentissage, & aux charges & conditions necessaires pour estre receus Mai-Ares, & ne commenceront les franchises des Compagnons, soit de cette Ville ou Forains, que du jour de l'enregistrement de leurs Quittances d'Aprentissages, ausquels nouveaux Maistres lesdits Maistres-Gardes seront tenus comme il a esté dit, de donner un Livre des presens Reglemens, signé au moins par deux desdits Maistres Gardes; & l'Acte de reception sera signé dans le Registre par tous ceux desdits Maistres - Gardes, & Anciens qui se trouveront presens; & payeront ceux qui auront fait leur Aprentissage dans ladite Ville & Fauxbourgs d'icelle; & qui apres ce auront aquis leur franchise en tel lieu que bon leur aura semblé pour leur reception à ladite Maistrise la somme de quinze livres pour une fois seulement lors de ladite reception; sçavoir cinq livres pour la Chapelle, & dix livres pour les frais de la Communauté.

Le Consul At ayant déliberé sur la requisition desdits Maistres-Gardes Passementiers & Rubantiers, & Veu les dits quatre Articles reformez; aprés avoir oui le sieur Deglareins Secretaire de ladite Ville & Communauté, faisant pour le Procureur general d'icelle, à approuvé les dits quatre Articles de la maniere qu'ils sont resormez, consentant qu'ils soient cy-apres observez selon seur sorme & teneur sous les peines y indictes; Suppliant tres-humblement Sa Majesté & Nosseigneurs de son Conseil, d'en vouloir ordonner l'homologation si elle est requise & jugée necessaire. Fait au Consulat le dernier jour de Mars mil six cens quatte-vingt-trois. Signé, Renaud Commis.

Registrés oui le Procureur general du Roy pour estre executez selon leur forme & teneur suivant l'Arrest de ce jour, à Paris en Parlement le dix-huitiéme jour de Mars 1684. Signé, JAcQues.



Lettres Patentes du Roy pour la Confirmation, Ratification, Approbation & Homologation des Statuts & Reglemens des Maistres Passementiers, Tissotiets, & Rubantiers de la ville de Lyon & Fauxbourgs d'icelle.



OUIS PAR LA GRACE DE DIEU, ROY DE FRANCE ET DE NAVARRE, A tous presens &c à venir; SALUI. Nos bien amez les Maistres Passemen-

tiers, Tissotiers, & Rubantiers de nostre bonne ville de Lyon; Nous ont tres-humblement sait remontrer, que pour remedier aux abus & inconveniens qui se sont glissez dans les derniers temps, au sujet de l'observation & execution deleurs Statuts & Reglemens; Ils ont esté obligés d'en faire de nouveaux en l'année derniere, pour s'engager eux mesmes & ceux qui voudroient à l'avenir aspirer à leur Prosession, à les suivre & executer, & pour cet effet les auroient presentez aux Prevost des Marchands & Eschevins de nostre ville de Lyon, avec quatre autres Articles qu'ils avoient obmis d'y inserer pour choses importantes qui regardoient les douze, quinze, vingt - quatre, & trentiémes Articles desdits Statuts, lesquels les Prevost des Marchands & Eschevins, sur le consentement de nostre Procureur en la Jurisdiction de la Police des Arts & Mestiers de ladite Ville, ont approuvé sous noster bon plaisir, & nous ont supplié d'en vouloir ordonner l'homologation, par Actes des vingtsixième Fevrier mil six cens quatre vingt-deux, & dernier Mars mil six cens quatre-vingt-trois; & renvoyé les exposans par devers Nous pour leur estre pourvûs de nos Lettres de Confirmation sur ce necessaires. A CES CAUSES, desirant favorablement traiter les Exposans, & leur faciliter les moyens de pourvoir aux abus & desordres qui peuvent estre dans leur Commerce & Negoce; de nôtre grace speciale, plaine puissance & authorité Royale; Nous avons par ces Presentes signées de nostre main, approuvé & confirmé, approuvons & confirmons les Reglemens & Statuts des Passementiers, Tissotiers, & Rubantiers de nostre ville de Lyon, & les quatre Articles ajoûtez à iceux au lieux des XII, XV, XXIV, & XXX. desdits Statuts cy-attachez sous le

contreseel de nostre Chancellerie. Voulons & Nous plait qu'ils soient gardez & observez par lesdits Exposans & leurs successeurs, sans qu'il y soit contrevenu aux peines y portées. Si donnons EN MANDEMENT, A nos amez & feaux Conseillers les gens tenans nostre Cour de Parlement à Paris, que les Presentes ils ayent à enregistre, & de leur contenu faire jouir & user les Exposans & leurs successeurs, plainement, paisiblement & perpetuellement; & iceux Statuts & Articles faire garder & observer, selon leur forme & teneur, à ce faire & obeir, contraindre tous ceux qu'il appartiendra, celsant & faisant celser tous troubles & empeschemens au contraires. CAR tel est nostre plaisir, & afin que ce soit chose ferme & stable à toûjours, Nous avons fait mettre nostre seel aux presentes. Donne à Fontainebleau au mois d'Aoust, l'an de grace mil six cens quatrevingt-trois: Et de nostre Regne le quarantevniéme. Signé, LOUIS, & sur le reply, Par le Roy, LE TELLIER. Et Seellée du grand sceau en cire verte. Registrées, Oüi le Procureur General du Roy, pour jouir par les Impetrans & ceux qui leur succederont en laditte Communauté, de leur effet & contenu, & estre executés selon leur forme & teneur, suivant l'Arrest de ce jour. A Paris en Parlement le dix-huitième jour de Mars mil six cens quatre-vingtquatre. Signé, JACQUES.

ARREST DV LARLEMENT.

OUIS PAR LA GRACE DE DIEU, ROY DEFRANCE ET DE NAVARRE; Au premier Huissier de nostre Cour de Parlement, où autre Huissier on Sergent sur ce requis; V E u par nostre Cour la Requeste presentée par les Maistres Passementiers, Tissotiers, & Rubantiers de la ville de Lyon, contenant qu'ayant esté fait un Reglement, & Statuts, composé de plusieurs Articles signés d'eux, lesquels auroient esté approuvez, resolus & arrestez par les Prevost des Marchands & Eschevins de ladite Ville, sur les conclusions du substitut du Procureur general unies au corps Consulaire de ladite Ville, suivant l'acte du vingt - six Fevrier mil six cens quatre-vingt-deux, mesme reformées suivant un autre du dernier Mars mil six cens quatre-vingt-trois; Et en consequence auroit obtenu du Roy des Lettres de Confirmation d'icelles, données à Fontainebleau au mois d'Aoust dernier, par lesquelles le Roy auroit approuvé, au thorisé & confirmé lesdits Reglemens & Statuts, pour estre gardez & observez par les Supplians & leurs successeurs, selon leur forme & teneur; A ces causes requeroient lesdits Supplians qu'il fust ordonné que sesseits Reglemens, Statuts & reformations seroient registrees en nostre Cour, ensemble lesdites Lettres de Confirmation pour estre executés suivant & conformément lesdites Lettres Lettres. Veu aussi lesdites Lettres, Statuts & autres pieces attachées à ladite Requeste, signé Girard Procureur, Conclusions de nostre Procureur General: Oüi le rapport de Maistre René Lemeusnier Conseiller, tout consideré; Nostredite Cour avant proceder à l'enregistrement desdites Lettres & Statuts, ordonne qu'elles seront communiquées aux Prevost des Marchands & Eschevins de la Ville de Lyon, pour donner sur icelles leurs Advis, où y dire autrement ce que bon leur semblera, pour ce fait rapporté & communiqué à nostre Procureur General, estre ordonné ce que de raison. Si te MANDONS à la Requeste desdits Supplians. mettre le present Arrest à execution de ce faire, te donnons pouvoir. Donne'à Paris en nostredite Cour de Palement le dix-septiéme Janvier, l'an de grace mil six cens quatre - vingt - quatre; Et de nostre Regne le quarante - uniéme. Collationné, Par la Chambre. Signé, JAcQUES.

ADVIS DV CONSVLAT, du premier Fevrier 1684.

OUS Prevost des Marchands & Eschevins de la Ville de Lyon, en consequence de l'Arrest de Nosseigneurs de la Cour de Parlement, du dix-septiéme Janvier dernier, Signé Jacques; Donné sur les conclusions de Monseigneur le Procureur General, par lequel il a esté ordonné qu'avant proceder à l'enregistrement des Lettres obtenues de Sa Majesté sur les Statuts, & Reglemens de la Communauté des Maistres Passementiers, Tissotiers & Rubantiers de ladite Ville de Lyon, lesdites Lettres Nous seroient communiquées pour donner sur icelles nostre Advis, ou y'dire autrement, ainsi que bon nous sembleroit; pour ce fait rapporté & communiqué à Mondit-Seigneur le Procureur General, estre ordonné ce que de raison. A v o n s dit & declaré que lesdites Lettres ensemble les Statuts & Reglemens qu'elles ont confirmés, sont à l'advantage & utilité du public, & pour la bonne police de ladite Communauté; En témoin de quoy Nous Lambert de Ponsainpierre, Escuyer, Seigneur du Peron, Prevost des Marchands, Jean Jacques Gayot, Seigneur de la Rejasse & Pitaval, Conseiller du Roy, Garde-Séel en la Seneschaussée & Siége Presidial dudit Lyon; Claude Debelly; Jean Terrasson Advocat en Parlement, Juge du Comté de Lyon & des Baronnies de S. Just, & Jacques Messier Eschevins susdits: Avons fait expedier ces Presentes icelles signées fait contresigner par le Secretaire, & Seeller des Armes de ladite Ville & Communauté, le premier jour de Fevrier mil six cens quatre-vingt-quatre. Signé, DE PONSAINPIERRE DU PE-RON, GAYOT DE LA REJASSE, DEBELLY, TERRASSON, & MESSIER; Et plus bas, par le Consulat. BENAUD Commis. Et seellé,

EXTRAIT DES REGISTRES, de Parlement.

EU par la Cour les Lettres Patentes du Roy, données à Fontaine bleau au mois d'Aoust dernier, Signées LOUIS, & sur le teply, par le Roy, LE TELLIER; & seellées en lacs de soye du grand seau de cire verte, obtenuës par les Maistres Passementiers, Tissotiers, & Rubantiers de la ville de Lyon; par lesquelles & pour les causes y contenuës, ledit Seigneur Roy auroit approuvé, & confirmé les Reglemens & Statuts faits pour la communauté des Impetrans, & les quatre Atticles ajoûtez à iceux au lieu des XII, XV, XXIV, & XXX, desdits Statuts; Veut & luy plast qu'ils soient gardez & observez sans qu'il y soit contrevenu, & ainsi que plus au long le contiennent lesdites Lettres à la Cour adressantes. V z u aussi l'Arrest du dix-septiéme Janvier dernier, par lequel avant proceder à l'enregistrement desdites Lettres, auroit esté ordonné qu'elles seroient communiquées avec lesdits Statuts aux Prevost des Marchands & Eschevins de la ville de Lyon, pour donner sur icelles leur Advis, où y dire autrement ce que bon leur sembleroit; pour ce fait rapporté & communiqué au Procureur General du Roy, estre ordonné ce que de raison: l'Advis donné en execution dudit Arrest par lesdits Prevost des Marchands & Eschevins de Lyon du premier Fevrier dernier, lesdits Statuts & Reglemens, Requeste afin d'enregistrement, Conclusons du Procureur General du Roy. Out le rapport de Maistre Philippes Genoud Conseiller, tout consideré. LA Cour or donne que les les Lettres & Statuts seront registrées au Greffe de la Cour, pour jouir par les Impetrans & ceux qui leur succederont en ladite Communauté, de l'effet & contenu en icelles, & estre executées selon leur forme & teneur. FAIT en Parlement le 18. Mars 1684. Collationné, Signé, JACQUES. Et le tout attaché ensemble leus le contre-seel.

Lesdits Reglemens ont esté Homologner unnée 1684. par les soins de Pierre Perrot, Fleuris Chomat dit Flachat, Estienne Pain, Hugues Nallet, Antoine Sornin, Iean Brandon Maistres-Gardes, & par Gabriël Vanelle, & Claude Bonn Adjoints, ladite année mil six cens quatre-vingt-quetre.

Lu, publié à haute & intelligible voix, son de trompe & cry public, dans les lieux, Carresours & endroits accoûtumez à faire telles & semblables proclamations à ce qu'aucun n'en puisse ignorer, par moy Iean-Baptiste Bertholon, seul Iuré Crieur public pour le Roy en la Seneschaussée & Siege Presidial de Lyon, & autres Cours & Iustice, qui s'exercent dans ladite Ville & Fauxbourgs, y demeurant rue & Paroisse S. George som-signé, assifté de Maistre Henry Monnet Trompette ordinaire de ladite Ville aussi sous-signé, le dix-septiéme May mil six cens quatre - vingt - quatre.

Signé, BERTHOLON & MONNET.